

OPHENIBEN DEVLORESTYR

Radom 2010

**Redakcja: Marianna
Kwiatkowska**

**Opracowanie i
tłumaczenie: Izabela Kwiatkowska
Stanisław Stankiewicz**

**Korekta: Karolina
Kwiatkowska
Organizowanie
Kursów i Szkoleń**

**Ilustracje:
Jolanta Markwat**

**Karolina Kwiatkowska
Organizowanie Kursów i Szkoleń
e-mail: karolinastankiewicz@vp.pl**

Słowo wstępne

Biblia to Święta Księga chrześcijan. Jest również źródłem kultury moralnej, ponieważ prezentuje wzorzec postępowania, ukazując co dobre a co złe. Przedstawia prawdy o człowieku i złożoności ludzkiej natury. Daje odpowiedzi na pytania nurtujące ludzkość. Prezentuje ludzi, ich obyczaje i eksponuje, to co uniwersalne.

Biblia jest dziełem, które odegrało wielki wpływ na światopogląd, kulturę i język ludzi współczesnych. Dla wielu jest sacrum – czyli księgą świętą. Ma ona charakter ponadczasowy.

Jest źródłem tematów podejmowanych we współczesnej sztuce. Biblijne motywy są aktualne we współczesnej literaturze, malarstwie, rzeźbiarstwie i filmie.

Wydanie niniejszej książeczki miało na celu zapoznać wszystkie pokolenia Romów z przesłaniem Pisma Świętego w języku rodzimym. Wybór opowieści biblijnych przeprowadzono według kryterium walorów etycznych, czyli wpływu na ukształtowanie pozytywnych postaw moralnych zwłaszcza dzieci i młodzieży.

„Opheniben Devlorestyr” („Opowieści Biblijne”) to publikacja sfinansowana ze środków zwiększonej subwencji

oświatowej dla dzieci romskich. Dziękujemy Władzom Miasta Radomia za okazane zainteresowanie problemami naszego środowiska oraz zgodę na realizację tego projektu wydawniczego.

Purano

Testamento

Syr Devłoro kerdzia sveto

Hara berś daleske na sys ćsi syr korkoro Devłoro.

Te jek dyves Devel skerdzia phuw i boliben. Tamło sys pe ceło sveto daleske Devłoro skerdzia dud. Phendzia kaj dud khareła pes dyves a tamło khareła pes rat.

Pe rawyr dyves Devłoro rozkerdzia pania cełe swetostyr: jek pania ćsine pe phuw a rawyr pe berga. Phendzia Devłoro kaj berga khareła pes boliben.

Te tryto dyves rozkerdzia Devłoro pania phuwiatyrdzia kaj sykadzia pes siuki phuw a pania skendyne pes te jek šteto. Devel phendzia kaj do šteto khareła pes morzo.

I phendzia Devłoro kaj pe siuki phuw te wybarion ciaria i rukha. I dzia pes kerdzia, wybaryne pe phuw ciaria i rukha.

Te štarto dyves Devłoro skerdzia cierhenia pe boliben. I phendzia Devłoro kaj kham hacioła dyvese a ćhon raciasa.

Te panćto dyves phendzia Devłoro kaj dre pania te jawen maćsie, teł boliben cirykłe. I dzia pes kerdzia

sykade pes maćsie i rawyr istoty dre pania a cirykle pe boliben.

Te siofto dyves Devłoro phendzia kaj phuw te wydeł sare rawyren istoten. I dzia pes kerdzia.

Deveł dykcia kaj saro so skerdzia sys łaćsio i phendzia kaj kerela manusies. Manusies kaj podymen jawela te Devłoro i poligireła sare maćsien i rawyre istoten. Skerdzia Devłoro mursies Adamos i dziuwła Ewa. Devłoro ciacies kamełys manusien a pe sveto sawo łenge dyja na sys meryben, duk, bok, naswalipena.

Te eftato dyves Devłoro odkhynija pošli celo buty sai skerdzia i dołe ćsirostyr eftato dyves sy święto.

Devłoro zaligirdzia Adamos i Ewa te siukar weś – Edeno. Sys doj but rukha a pe rukha łaćsie te haben owocy. Devłoro phendzia łenge kaj sare rukhendyr moginen te zreskireł owocy i len te hał. Te jek ruk na sys łenge frej te poddział.

Dre boliben sys dzide angeli. Jek łendyr holinakro sys pe Devłorestyr pał dową kaj Deveł kamełys manusien. Hyria angelo zaparudzia pes dre sapestyr i naphendzia dziuwła kaj te zreskireł phabuj dołe rukhestyr te sawo na sys łake frej te poddział. Ewa zreskirdzia, dandyrdzia phabuj i podyja peskre romeske i jow dandyrdzia phabuj.

Pał na hara Devłoro jawia te Edeno i halija kaj
manusia łes na posiunde. Wytradyja łen siukare
wesiesty i dołe cirostyr manusia naswalon, phurion
i meren.

Arka Noe

Hara, hara bersia pošli dową syr Devłoro wytradyja manusien Edenostyr dzido sys pe sveto murś sawo pes kharełys Noe. Sys łes romni i tryn ćhawe a ćhawen sys łengre romnia.

Te doła ciry manusia sys dasawe hyria kaj Devłoro załynelys pałso łen kerdzia i kamelys łen te wymareł. Jek manuś udełys pes Devłoreske pał dową kaj sys łes łaćho dzi i kandelys Devłores. Nadgeja dasawo dyves kaj Deveł przephendzia te Noe:

- Manusia sy hyria i na kanden pes mandyr, dołeske wymarawa łen saren. Tu sker kaštendyr arka, bo zmekhawa pe sveto potopo kaj saro so hyria te potasadziół. Wligir pe arka po duj sarendyr ciryklendyr i rawyre istotendyr a so łen wligiresa wćhuw łenge i tuke haben. So dawa saro skeresą wdzia khetane tyre semencasa pe arka i ziakir.

Noe kerdzia saro dzia syr łeske phendzia Deveł. Pošli sawoś ciro Devłoro peskre waśtesa phandzia arka a pošli epta dyvesa zmekcia pe sveto bare brysinda sałe denys pełdy śtardesia dyvesa i śtardesia racia.

Dzia pani zaćhudzia ceło phuw i saro so sys pe phuw zatasadzija. Noe i łeskry semenca i sare istoty sałe sys pe arka przedzidine.

Syr brysind przećsija te deł bolibnatyr Devłoro phendzia bałwalake kaj te osiućkireł phuw. I dzia pes kerdzia pani operełys. Noe na dzinełys so sykadzija pes kajś siuki phuw dołeske wymekcia cirykłes a cirykło pał nahara rysija pe arka. Noe halija kaj ceło phuw sy zaćhudo. Pał efa dyvesa Noe wymekcia rawyres cirykłes ne i dowa cirykło pał nahara rysija pe arka. Pał rawyr efa dyvesa Noe wymekcia gołabkos, cirykło rysija pe arka ne dre muj rykirełys zielono randziory. Noe halija kaj pani opeja a phuw siucioł.

Pośli sawoś ciro Deweł pałe przephendzia te Noe:

- Wydzia tyre semencasa i sare istotenca arkatyr. Mek rozdian pes pe ceło phuw.

Noe skerdzia ołtarzo i śćhudzia Devłoreske ofiara a Devłoro phendzia kaj butedyr na wymareła sare manusien. Deweł dyja manusienge i sare istotenge ław kaj na zmekheła rawyr moło pe sveto potopo. Kaj sare te rypyren sawo ław dyja kerdzia pe boliben tęcza.

Józefo ćhawo Jakuboskro

Sare manusia sałe sys dzide pe sveto pošli potopo rakirenys jekhe ćhibiasa. Pełdy hara bersia dzide sys khetane syr jek semenca i na rozdzyanys pes pe celo sveto. Manusia wyćhude baro foro i kamenys te wyćhuweł huci wieża sawy doreściaby te boliben. Dykcia dowa Devłoro i na udyja pes łeske so keren manusia dołeske posparudzia łenge ćhibia dzia kaj jek jekhes te na halon. Manusia na wyćsiude do wieża i rozgene pes pe sare svetoskre ryga.

Jekhe semencatyr wykendyja Devłoro mursies kaj pes kharełys Abrahamo i przephendzia łeske kaj jawena łes dzia but ćhawore syr cierhenia pe boliben a łeskry semenca jaweła syr celo them. Do manusia kharen pes ćhinde. Deveł dyja ćhindege ław kaj so łes kandena bahtało jaweła łengro dzipen.

Pošli hara bersia praskulontko Abrahamoskro kaj kharełys pes Józefo sys łacche manusiesa i ciacies kamełys Devłores. Dad Józefoskro kharełys pes Jakubo, sys łes but ćhawe i ćhaja ne butedyr sarendyr kamełys Józefos.

Te sawoś dyves doreścia Józefo peskre dadestyr newy thalik. Pał dowa łeskre pszała sys pe łestyr holinekre i syr khetane sys te bergi sphande peskre pszałes i ćhurdyne łes te hor kuła. Na dur tradenys parutary pe wielbładendyr i pszała bikinde łenge Józefos te pyshary. Dzia terno Ćsindo doreścia pes te them kaj khareł pes Egipto a doj kindzia łes barwało gadzio.

Miśto pes dzidziółys Józefoske te do gadzio bo Devłoro sys paś łestyr i rakhełys łes sare bibahciendyr. Pełdy hohaiben do gadzieskre romniakro Józefos zaphande te śtaryben. Devłoro i dre śtaryben rakhełys Ćhindeś kaj sawyś bibaht pe łestyr te na pereł.

Jekwar Józefo przephendzia syr te haloł sune sawe dyne duj gadzie zaphande te do korkoro śtaryben. Jekheske przephendzia kaj pał tryn dyvesa wydziała pe frej a rawyreske kaj pał tryn dyvesa ćsieła zamardo. Kerdzia pes dzia syr przephendzia Józefo, ne gadzio kaj wygeja pe frej łestyr zabyskirdzia.

Pośli duj berś khynigo Egiptoskro – Faraono dyja sune efte thule guruwnien kaj sys shane pełdy efte siuke guruwniendyr i efa giwa siukar sawe sys zabaryne pełdy efa siuke giwa. Nikon łeskre fiłacinatyr na dzinełys syr te haloł do sune. Kana przybyskirdzia pes do śtarybnytke gadzieske Józefo. Faraono khardzia

štarybnatyr Józefos, ophendzia peskre sune i pućcia pes syr 1en te haloł. Korkoro Devłoro podphendzia Józefoske syr te haloł sune. Dzia efta thule guruwnia i efta siukar giwa dow a sy efta bersia łacze kaj but haben jaweła te Efipto, efta siuke giwa i siuke guruwnia dow a sy efta bersia hyria kaj bary bok jaweła te Egipto. Faraono pacija Józefoske i kerdzia łes zarzadcasa pe celo them. Józefo pełdy efta bersia skendelys haben kaj so jaweła efta bersia bok manusien te jaweł so te hał. Saro kerdzia pes dzia syr Józefoske przephendzia Devłoro. Dre Egipto sys efta łacze bersia a pošli łendyr efta bersia bok.

Józefo ciacies pacielys dre Devłorestyr i doleske saro pes łeske wydziałys. Bok sys baro pe celo sveto i dogeja te them Čhindegro. Na sys so te hał Józefoskre dades i łeskre pszałen. Jakubo phendzia te peskre čhawore kaj te Egipto sy haben i so kamen te dzidziol sy te tradeł i te kineł Faraonostyr haben. Syr čhawe Jakuboskre dotradyne te do them, dykte kon sy doj zarzadcasa ne na prynćkirde peskre pszałes. Józefo 1en prynćkirdzia i wypućcia pes łendyr karyk jawne, kon sy 1engro dad. Greho pe łeske kerdzia syr pe łendyr dykhełys i zabyskirdzia 1enge sar o hyria so łeske kerde. Zamangdzia 1en te pe khetane cele semencasa. Pošli

sawoś ciiro Jakubo peskre ćhaworencza przeligirdzia pes
te Egipto i doj bešte sys Ćhinde hara bersia.

Mojzeszo

But bersia przegene syr Óhinde – semenca Jakuboskry jawia te Egipto. But butedyr Óhinde dzide sys te do them i gadzienge Egiptostyr dow a pes na udełys. Newo Faraono kamełys kaj te zamaren sare tykne Ósindytk e óhaworen. Jek Ósindyca ugarudzia peskre óhawes te khorba i wéhurdyja łes pe pani. Do paniestyr wylija óhawores Faraonoskry óhaj i wygarudzia łes syr peskre óhawores. Dyja łeske ław: Mojzeszo.

Syr Mojzeszo wybaryja dodzindzia pes kaj sy Ósindo. Te sawoś dywes dykcia syr gadzio Egiptostyr mareł Óhinde ciupniasa, na wrykirdzia - htyłdzia do gadzies i zamardzia. Do sarestyr dodzindzia pes Faraono i Mojzeszo hylcija te rawyr them. Doj przephendzia te jow Devłoro. Sykadzia pes łeske syr rozhaćkirdo ruk i phendzia kaj kameł te wyligireł peskre Óhinde Egiptostyr a Mojzeszo sy łen te poligireł.

Rysija Mojzeszo te Egipto i jawia te Faraono. Phendzia łeske kaj Óhindegro Devel kameł te załeł peskre manusien Egiptostyr a so Faraono na kameła łen te mekheł Devłoro mekheła pe Egipto nasfalipena

i rawyr bibahcia. Khynigo na kamełys te wymekheł Ćhinde bo kerenys pe łestyr buty, dołeske Devłoro rozholisyja i mekcia pe Egipto deś plagi. Faraono halija kaj na ni łes dasawy zor i phendzia kaj Mojżeszto te załeł peskre manusien.

Ćhinde zaline saro so łen sys i gene pał Mojżeszostyr. Dogene te baro pani i na sys łen syr pełdy łatyr te przedział. Devłoro peskre zoriassa rozkerdzia pani pe duj ryga i sykadzia pes siuki phuw. Ćhinde Przegene pe rawyr ryk. Te dowo ciro Faraono sparudzia ław i kamdzia peskre manusienca te naperel i zaryskireł Ćhinde. Syr dotradyja i wgeja peskre heładenca pe siuki phuw mańkir pani – Devłoro mekcia pania a Faraono i łeskre manusia potasadzine.

Ćhinde hara bersia dzianys te newy phuw kaj łenge dyja Devłoro. Dre drom Ćhinde hany s manna sawy łenge Devłoro ściurdełys bolibnatyr.

Pośli sawoś ciro Devel phendzia Mojżeszoske kaj te wdział pe bary berga- Synaj. Doj dyja Devel łeske deś przykazani na Ćhinde pe bara. Kana sare Ćhinde sys te kandel Devłores i te kereł dowo so sys naćsindo pe bara. So dzia kerenys Devłoro rakhełys kaj bibaht pe łendyr te na perel.

Na te sare ciry Ćhinde kandenys Devłores i pał sare moły so kerenys soś hyria Devłoro łen marełys a so sys kandune dełys łenge frejda i baht.

Hiobo

Dre them sawo kharełys pes Us dzido sys gadzio Hiobo. Łaćsio sys łestyr manuś, ciacies kamełys Devłores i na kerelys ćsi hyria. Devłoro rakhelys Hiobos i dyja łeske but frejda i baht dre dzipen. Sys łes łaćhi romni, efta ćhawe i tryn ćhaja. Sys łes pherdo phuw i but barwalipena.

Te jek ciro jawia te Devłoro Beng. Pućcia pes łestyr Devłoro:

- Karyk jawian?

- Przegejom celo phuw – odphendzia Beng

- A dykcian myre sługa Hiobos? Pe celo sveto na ni rawyr dasawo kuć manuś kaj dzia man kameł.

- Dykciom łes. Hiobo dołeske tut kameł kaj dyjan łeske baro barwalipen i baht. Załe łeske saro miśtypen a dykhesa Devła kaj tut kosiela i obrakireła.

- Miśto, mek dzia jaweł – załe łeske saro barwalipen, ne pe łestyr korkorestyr waśt na ćhuw.

I dzia pes kerdzia Beng zalija Hioboske saro so łes sys: kher, łowe, barwalipen. Te jek dywes zamardzia sare łeskre ćhaworen. Hioboske pharo sys pe dzi ne jek hyria ław na phendzia pe Devłorestyr:

- Devłoro saro mange dyja i Devłoro saro zalija.

Pałe jawia Beng te Devel a Devel pałe łes pućcia:

- Karyk jawian?

- Przegejom ceło sweto.- odphendzia hyria manuś.

- Dykcian myre sługa Hiobos? Zalijan łeske saro so łes sys a jow i dzia man na kosieł i jek hyria ław pe mandyr na phendzia.

- Manuś saro kerela kaj te zarykireł peskro dzipen. Mek pe łestyr pharo naswalipen a dykhesa kaj pes tutyr odryśkirła.

- Miśto mek dzia jaweł. Mek pe łestyr naswalipen, ne rypyr na ni tuke frej te załeł łeske dzipen.

I dzia pes kerdzia Beng mekcia pe Hiobostyr naswalipen kaj pes khareł trądo. Ciororo i znasfalakirdo Hiobo pašto sys pe phuw a łeskry romni dzia te jow rakirełys:

- Dyk Devłoro tut omekcia, przekoś łes i mer.

- Hyria i dynałeś rakires. Ławys Devłorestyr saro łaćho so mange dełys, kana przyława saro hyria.- odphendzia Hiobo.

I kana na magirełys i na kosiełys Hiobo Devłores. Devel saro dow a dykhełys i zryśkirdzia peskre sługake saro so łeske Beng zalija. Hiobo wysaścija, pałe sys łes efa ćhawe i tryn ćhaja i but barwalipena.

Saro sy dre Devłoreskre wašta i Jow na zabyskiereł
nikonestyr. Łaćsio manuś sygiedyr czy haredyr doreseła
Devłorestyr frejda i baht.

Nevo
Testamento

Syr Jezuso jawia pe sveto i syklakirełys manusien

Te Purano Testamento Devłoro przephendzia kaj łeskro Ćhawo jaweła pe sveto pał dawa kaj te oddeł peskro dzipen pał manusiendyr.

Duj bara bersia dałeske jawia pe sveto, te Ćsindytko semenca ćhaworo – Jezuso. Łeskry daj kharełys pes Maryja a dad Józefo. Dada Jezusokre wykendyne pes dre baro drom. Dzianys pe zał warykicy dywesa. Syr dogene te Betlejem na sys łen šteto pe raćkiryben dre foro, dołeske zarykirde pes dre stała. dre do ciro sykadzia pes pe boliben newy ciergeń sawy sykawełys manusienge drom te Betlejem. Pał do ciergeń dzianys tryn khynigi duratunendyr themendyr.

Jezuso jawia pe sveto dre do stała, doj rakte łes khynigi i gawytka gadzie kaj rakhens dre bergi bakren. Khynigenge drom sykadzia ciergeń a gawytke gadzienge Devłoreskro Angelo. Khynigi jande Jezusoske sownakaj (dołeske kaj Jezuso sy Khynigo), kadzidło (dołeske kaj Jezuso sy święto) i mirra (dołeske kaj Jezuso ćsieła zamardo te bare dukha).

Te doła ciry dzido sys khynigo Ćhindegro- Herodo. Siundzia jow kaj jaweła pe sveto „newo khynigo”

i wystrasija dołestyr. Phendzia peskre heładenge kaj te zamaren sare ćhaworen sałenge na przegene duj bersia, dołeske Jezuso peskre dadenca hylcija te Egipto. Syr Herodo meja, Jezuso rysija te peskro them i foryco – Nazareto. Doj bariołys i sykłołys. Łaćho i godo sys łestyr ćhaworo, dołeske udełys pes Devłoreske i manusienge. Jezuso dzinełys kaj łeskro ciaciuno dad sy Devel ale kandełys Juzefos i Maryja.

Syr dobaryja te peskre bersia geja paś baro pani kaj łeskro duratuno pszał bołełys manusien. Jezuso podgeja te Jano Chrzcielo i mangelys kaj i łes te bołeł. Syr Jano zamoćkirdzia Jezusos dre pani i łes bołdzia pe boliben sykadzia pes parno gołąbko i Devel phendzia bolibnatyr kaj Jezuso sy łeskro ćhawo. Dołe cirostyr Jezuso kerełys cudy i syklakirełys manusien syr te dzidzion kaj te uden pes Devłoreske.

Te sawoś dyves geja Jezuso peskre semencasa pe biaw. Syr przegene warykicy śtondy na ćsija moł i na sys so te ćhuweł pe tysi. Daj Jezusoskry podgeja te jow i phendzia kaj na ni butedyr moł. Jezuso na kamelys ćsi te kereł, ne Maryja łes mangelys. Jezuso phendzia kaj te ćhuwen dre khore pani i przeparudzia pani dre łaćsio moł.

Pośli sawoś ciro geja Jezuso te foro Galilea i doj wykendyja peske mursien sańca pireła pe ceł them i syklakirełys manusien. Pełdy do sare ciry kerełys but cudy: osaściakirełys naswałunen, odzidziakirełys mułe manusien. But moły sykawełys kaj bićhadzia łes pe phuw Devłoro. Na sare dre dawa pacienys. Jezuso syklakirełys sare manusien: ciororen i barwałen, łączhen i hyriunen, ternen i phuren a kaj sare łes te halon ophenelys łenge Devłorestyr i łeskre Themestyr dre Boliben dre przypowieści.

Jezuso ophenel Devlorestyr i leskreThemestyr dre Boliben

Ophenelys jekwar Jezuso kaj sys peske gawytko gadzio i ćhurdelys giw pe phuw.

Jek giw peja pe drom, rawyr pe bara, tryto mańkir cierni, śtarto dre łaćhi phuw.

Giw kaj peja pe drom na wybaryja doleske kaj przynašte cirykle i shane giw. Giwes kaj peja pe bara na sys phuw i kham les sygo shaćkirdzia. Giwes kaj peja dre cierni na sys zor te barioł. Giwa kaj pene pe łaćhi phuw siukar wybaryne i kerde pes łendyr but butedyr giwa.

Pucienys pes manusia syr te haloł da opheniben a Jezuso łenge dowo wćhudzia. Giw dawa sy Ław Devloreskro. Do Ław siunen manisia i na halon les – jawel hyria manuś i syr cirykle załel Devleskro Ław łengre dzijendyr. Rawyr manusia siunen i sygo przylen te peskro dzi Ław Devloreskro ne so pełdy dowo pharedyr pe łenge dzidzioł łengro paciben wyhacioł. Pałe rawyr manusia siunen Ław Devleskro ne tugi da svetoskre i miństypena zamaren dre łendyr Ław. Nikon łendyr na wdziała dre Devloreskro Them dre Boliben.

Manusia kaj siunen, halon i ciacies przylen te peskro
dzi Ław Devłeskro sy syr giw kaj peja pe łaćhi phuw –
pacien zorałez i celo ciro dzide sy dzia syr Devłoro
pheneł, dołeske jone wdziana te Devłoreskro Them dre
Boliben.

Ła'cho Samarytano

Jezuso syklakirełys manusien kaj te kamen pes syr pszała. Pucienys pes manusia Jezusostyr kon sy łengro pszał, sare rawyr manusia? doła kaj sy te jek semenca, them? doła kaj pacien te jekhe Devłorestyr?

Jezuso ophendzia łenge przypowieść gadziestyr kaj wytradyja kherestyr a pe drom napene łes ciora. Pomarde łes zorałes i mekte pe drom kaj te mereł. Przedzianys paś łestyr but patywałe Čhinde kaj sy do korkore forostyr, themestyr, kaj dzia korkoro pacienys dre Devłorestyr i na podyne łeske wašť. Przedziałys do dromesa gadzio Samarytano kaj na sys dre patyw te rawyr Čhinde, bo phenenys kaj Samarytany hyria pacien dre Devłorestyr. Do Samarytano dykcia pomarde gadzies, zalija łes te peskro kher i doligirdzia te sastypen.

Ophendzia Jezuso przypowieść i pucieł pes manusiendyr:

- Kon sys ciaciuno pszał pomarde gadzieskro?
- Samarytano – odphende manusia.

Pucienys pes apostoły syr te haloł da opheniben. Jezuso łenge phendzia kaj na dawa sy jamaro ciaciuno pszał kaj sy jamenca syr saro sy mišto a dawa kon

podęła jamenge waśt dre tuga, naswalipen i rawyr bibahcia. Te sare semency (thema) sy łaćsie i hyria manusia.

I na dową sy łaćho kaj dzia pestyr phenęł a dową kaj łaćhes keręł i łaćhes dzidzioł. So kon rakireł kaj pacieł dre Devłorestyr a na ni dzido dzia syr Devłoro kameł na wdziała dre Devłoreskro Them dre Boliben.

Ćhawo marnotrawno

Pucienys pes manusia Jezusostyr so kereła Devłoro so kon zgrehakireła, zmekheła pe łestyr bibahcia, meryben? So te kereł tasawo manuś?

Ophenełys Jezuso kaj sys gadzies duj ćhawe. Ternedyr phendzia te peskro dad kaj te deł łeske phaś barwalipen sawo łeske przypereł. Dad dyja Terneske phaś peskro miśtypen a pał na hara ćhawo wytradyja te rawyr thema i doj wydyja sare łowe.

Nalija pes te buty te gawytko gadzio i pasinełys blikien. Bokhało sys a nikon na dyja łeske haben. Hali Terno kaj hyria kerdzia syr odgeja peskre dadestyr i phendzia kokoro te pe:

- Te myro dad sługien sy so te hał a me daj obreskirdo bokhatyr meraw. Hyria kerdziom kaj odgejom kherestyr. Rysiuława te dad so man przyłeła jaława łeskre sługasa.

Syr rysiołys te peskro kher łeskro dad durałestyr łes dykcia. Wynaścica pe drom i roibnasa oblija ćhawes.

- Hyria kerdziom, na kandawys Devłes i tut myro dad. Na som moł te jaweł tre ćhawesa – phendzia Terno.

Dad saro hyria łeske zabyskirdzia bo bary frejda sys łes dre dzi. Phendzia peskre sługienge kaj te janden nowe fliki łeskre ćhaweske i te zaćhuwen tysia habnasa

i pibnasa. Kerdzia bary patyw peskre ternedyre ćhawske.

Phuredyr ćhawo holinakro sys pe peskre dadestyr kaj dzia mišto przylija łeskre pszałes. Dad odphendzia łeske:

- Tu pełdy sare ciry san paś mandyr. Saro so myro sy tyro. Frejdziumwas kana sare bo myro ćhawo sys muło a oddzidzija, nasiadzija a odrakcia pes.

Devłoro sy syr dad a manusia syr ćhawore. So odryśkiras jamen Devłorestyr sam syr marnotrawno ćhawo. Sare manusia keren soś hyria ne so przemangena Devłores i rysiona pe łaćho drom Devłoro odmekhęła manusienge grehy i przyłęła łen te peskro kher dre Boliben. Manusia kaj rysion te Devłoro den łeske bary frejda.

Zanasiado bakroro

Rawyr moło Jezuso rakirełys te manusia kaj so pastuszkoske nasiadziola te bergi bakroro jow mekhela saren rawyre bakren a dziala te rodeł doles kaj zanasiadyja.

Manusia sy syr bakre a Devłoro syr Pasterzo. So jek manuś odrysiola Devłorestyr jow kameła łes te odrakheł i te ryškireł pe łączsio drom.

Łowe

Jezuso syklakirełys kaj kon pacieł dre Devłorestyr sy łestyr te ophenel rawyre manusienge, dzia kaj syr najbutedyr manusia te dzinen Devłores i te dzidzion syr jow kameł.

Te sawoś ciro ophenelys Jezuso kaj khynigo te jek dyves khardzia peskre tryne sługien i dyja jekheske – pańc łowe, rawyreske duj a trytuneske jek łow i phendzia łenge kaj te zahtylen butedyr.

Sługa kaj doreścia pańc łowe paruwełys i zahtyłdzia duj moły dakicy, dzia korkoro kerdzia rawyr sługa. Tryto zagarudzia łow dre kuła.

Pośli sawoś ciro khynigo pałe khardzia sługien. Jek oddyja łeske deś łowe, rawyr śtar łowe, tryto jek łow.

Phendzia khynigo te duj sługi kaj łaches kerde i doleske kaj dzinenys te urykireł kuty doresena but. Trytuneske sługake phendzia kaj hyria kerdzia a doleske kaj na dzinełys te urykireł kuty i do kuty jaweła zalino. Khardzia peskre heładen i zaphandzia łes te śtaryben.

Jezuso wychudzia syr te haloł da opheniben. Khynigo dawa sy Devłoro a sługi manusia. Sarenge manusienge Devłoro soś deł i so manuś dowo na urykireła saro

jaweła łeske zalino. So manusia na kandena Devłores na
zahtyłena peske pe Boliben – dzia syr tryto sługa. So
kandena Devłores jawena przyline te Boliben – dzia syr
łaćhe sługi.

Syr Jezuso ćsija zamardo, oddzidzija i geja te Boliben

But syklakirde Ćhinde na halonys Jezusos. Darenys kaj łeskro syklakiryben odryškireła łendyr manusien, kaj manusia łen na kandena. Do Ćhinde uphende pes kaj htyłena i wydena Jezusos pe zamaryben rzymianenge. Syr pes uphende dzia kerde. Jek apostoło Jezusokro - Judaszo wydyja łes Ćhindege. Dorećcia łendyr pał dow a tryjanda rupune łowe. Syr hełade htyłde i phande Jezusos, Judaszo halija kaj kerdzia hyria i oddyja do łowe a pał na hara bładzia pes bo dzinełys kaj Devłoro pełdy sare ciry na zabyskireła łeske so kerdzia.

Ćhinde ligirde Jezusos pe ciaciepen. Doj rzymsko gadzio – Piłato sys te wydeł łes pe zamaryben. Piłato przesiundzia Jezusos i halija kaj dawa manuś ćsi hyria na kerdzia, dołeske na kamełys łes te zamareł. Ćhinde bonciakirenys manusien i Piłato kerdzia dow a so kamenys. Rzymska hełade ciupnienca pomarde Jezusos, zaćhude łeske pe siero korona cierniendyr i wysanys pes łestyr.

Gił belwel Jezuso dogeja te berga kaj khareł pes Golgota. Doj przymarde łes te trusiul i zamarde. Pošli łeskro meryben tamło kerdzia pes dre ceło foro a phuw

zorałes zacytryja. Wystrasine sare manusia a but przedykte pe jakha i haline kaj zamarde ciaciunes Devłeskre Čhawes.

Jezuso but moły ophenelys kaj ćsieła zamardo a pośli tryn dyves oddzidzioła. Dzia pes kerdzia, przegene tryn dywesa i Jezuso oddzidzija. Sykadzia pes duje Marienge a pał na hara peskre aposołenge. Pośli sawoś ciro Jezuso rysija te peskro Dad i geja te Boliben.

Saro kerdzia pes dzia syr przephende te Purano Testamento i syr przephenelys kokoro Jezuso. So kamen te dzineł butedyr łeskre dzipnatyr i dołestyr so syklakirełys den apre Biblia.